

金石萃編

掃葉山房發行
唐駝署

金石萃編卷九十九

賜進士出身 誥授光祿大夫刑部右侍郎加七級王昶題

唐五十九

黃石公祠記

碑高五尺六寸二分廣三尺八寸五分二十行行三十一字隸書碑題及撰人二行額題濟州穀城黃石公祠記九字並篆書

在東阿縣穀城山

黃石公祠記

布衣趙郡李卓撰

秦滅六國遂并區宇張良哀韓之亡怒秦之暴義威

天地降神於圯神授良之書良爲帝之師滅秦報韓成功遂志祠黃石於濟北穀城之山下蓋謂是矣世

用其道傳祠此山惟德之馨小福不替天寶歲夏六月早既太甚遍走羣望密雲卷而復舒零雨濛而不降太

守河東裴公聚黃髮而咨謀曰山川神祇有不舉乎聞斯行諸夙夜展祭祀事未畢感而遂通自寅及未澤潤

千里呼其靈也夫聖哲立灋制君子脩理道莫不順承天則祇畏神明以天視無私神功不測或殽覆

昏暴或孚右明德與時推移未始有極蓋將輔其善必聽於人咎夏之興也崇山降焉殷之興也岬山次焉周

之興也岐山鳴焉漢興有岷橋之事我唐之興

有霍山之異今古不爽謂之神志聰明正直而弋者也

惟秦政滅德用刑置人從欲冤痛在下馨香不登祚及

二世毒流四海與天自絕惟神不竭有開必先祝降寶

命故其書極天之際備興亡之端子房將有行

也師焉而以言酌消息於盈虛通擬議於變化楚漢之

勢功利相百天威扶乘人謨叶贊觀釁而動極

深研機發八難銷六國之印招四人定重明之業以斷

天下之疑以奪敵國之計正乾坤之位發日月

之光所謂被堅執銳其功狗也居守饋糧其功人也運

籌帷幄之中決勝千里之外其功神也此其大者豈徒

効祉發祥於州里之間哉方今淳風允塞休徵荐臻意

者謂宜上聞有以旌異嘗學舊史敢記所知

碑陰

碑陰十三行行十五字隸書末後書人一行篆書

前試義王府倉曹參軍裴平書

穀城下黃公祠實在濟之東阿 聖宗季季濟陽

廢而東平兼領之所稱河東裴公即故郡守名序所題

趙郡李卓即今臺長棲筠頃歲馬公炫自郎官出牧少

與臺長交契莫逆嘗勸雨於廟不覩所記迺搜李文以

勒貞石每歎曰所謂經國文章者其在茲乎未及畢而

讞病言歸今二千石郭公岑尙德是務踵成厥美句曹
掾韋騰戎曹掾俞黃中郡之良也承命集事殿中侍御
史高陽齊嵩聆而嘉之故紀云

唐大歷八年七月十五日建

碑側

一行
隸書

雨止子郭登庸過此題記

右黃石公祠記祠在東阿縣史記所謂濟北穀城山
也唐天寶中郡守裴序禱雨有應布衣李卓爲文記
之卓卽栖筠之初名也記成未刻至大歷八年馬炫
爲郡守始勒諸石工未畢而謝病去後守郭岑實踵
成之是時栖筠已爲御史大夫矣

潘研堂金
石文跋尾

記首行列題及稱布衣趙郡李卓撰皆小篆文與碑
陰書者爲一手也卓卽棲筠傳稱世爲趙人此記亦
云趙郡又棲筠族子華每稱有王佐才士多慕向始
居汲共城山下華固請舉進士俄擢高第此記云布
衣蓋其初服如是與傳可相証記畧叙天寶歲夏早
太守河東裴公禱祠致雨因言祠事始末云秦滅六
國遂并區宇張良哀韓之亡怒秦之暴義感天地降
神于圯神授良之書良爲帝之師云云東坡留侯論

謂世不察以爲鬼物者當沿于此矣太守之名百官
志天寶元年改刺史曰太守是也族子華卽李華見
新唐書文苑列傳云字遐叔趙州贊皇人 記文列
殿中侍御史高陽齊嵩紀前試義王府倉曹參軍裴
平書平見宰相世系表未著其官稱表或有所遺嵩
見金石錄雙廟記卽爲所撰也記載穀城下黃公祠
實在濟之東阿元宗季年濟陽廢而東平兼領之元
和郡縣志東阿天寶十三載廢濟州縣屬鄆州州卽
東平郡記載趙郡李卓卽今臺長棲筠唐書傳棲筠
世爲趙人代宗引拜爲御史大夫記當大歷八年故
以臺長目之而棲筠前名卓史文失紀記載頃歲馬
公炫自鄆官出牧少與臺長交契莫逆嘗勸雨于廟
不覩所記乃搜李文以勒貞石未及畢而謝病言歸
馬燧傳兄炫字弱翁少以儒學聞隱蘇門山不應辟
召至德中李光弼鎮大原始署掌書記常參軍謀光
弼器焉刑部郎中

舊書奏授此
部刑部郎中

田神功帥宣武署節
度判官授連潤二州刺史据是記炫自鄆官出牧蓋

以刑部郎中爲鄆州刺史而傳僅稱連潤二州非也
炫隱蘇門山與棲筠始居共城山下地旣相比意二
人交契當在此時故記爲言之與後有句曹掾韋騰

戎曹掾俞黃中名句曹戎曹亦不見百官志

授堂金石跋

此碑側有郭登庸過此題記一行乃明人所題也李

北海嶽麓寺碑陰有郭登庸題字爲前明提學

山左金石志

按此碑在東阿縣穀城山東阿縣志云城之東爲

小泰山東郭門枕之百步而近由小泰而北五里

爲黃山卽穀城山也山海經曰縞珉之首東望穀

城之山注曰山在濟北穀城縣西張良所與圯上

老人期矣今所有者非其故黃石而山巔大石方

數丈如印色頗黃故魏土地記以爲穀城出文石

蓋其山石大抵多黃有文采也山之前二里許黃

石公祠在焉祠下有古柏可千餘年物也此碑在

祠中爲祈雨感應而作但言天寶歲夏六月旱而

不詳天寶之何年祈雨者但稱太守河東裴公而

不著其名禱雨能應亦徵太守之誠而山東通志

東平州志但有河東裴識爲節度使卽晉公之子

而不及太守裴公賴此碑陰知太守爲裴序志乘

之漏略如此碑云我唐之興有霍山之異舊唐書

高祖紀師次靈石縣營於賈胡堡隋武牙郎將宋

老生屯霍邑以拒義師會霖雨積旬餽運不給高

祖命旋師太宗切諫乃止有白衣老父詣軍門曰

余爲霍山神使謁唐皇帝曰八月雨止路出霍邑

東南吾當濟師高祖曰此神不欺趙無恤豈負我

哉八月辛巳高祖引師趨霍邑勅宋老生平霍邑

碑語正指此事碑云被堅執銳其功狗也是守饋

糧其功人也運籌帷幄之中決勝千里之外其功

神也語本漢書蕭何傳碑陰云元宗季年濟陽廢

而東平兼領之新唐書蘇源明傳源明天寶間及

進士第出爲東平太守是時濟陽郡太守李俊以

郡瀕河請增領宿城中都二縣以紓民力二縣隸

東平魯郡者也於是源明議廢濟陽析五縣分隸

濟南東平濮陽詔河南採訪使會濮陽太守崔季

重魯郡太守李蘭濟南太守田琦及源明倭五太

守議于東平不能決旣而卒廢濟陽以縣皆隸東

平是濟陽之廢由于蘇源明也

丁思禮豎心經碑記

碑高五尺八寸五分廣二尺一寸五分分作四載書上載心經十七行行十七字次載記十六行行十九字三載五行皆尼僧名下載十六行行八字至十一字不等行書

摩訶般若波羅蜜多心經

經文不錄

□□□□□□大道難量無廣乘則不知其末歸無漸

教則莫詳其啓發□□□□也□□□□□□

□也爰有清信士丁思禮碩德純孝諒直彰仁□□

□詞林□□早揚儒訓曷□釋流宿殖善□一門深入

妻朱氏芳蘭佳秀智炬恒暉雖染世塵常樂□□往因

東邁路屆□海遇見石碑瘞壞弥極于時稽顙遂發願

言敬鑄阿弥陀佛一鋪室多心經一卷願則彼作碑在

此修竭力盡忠繼踵前跡豎雖殊異功乃無差百福莊

嚴檀波□一是時也惠風□響曙色舒輝緇黃駢闐衣

冠霧集且以珠投濁水便乃澄清日出浮雲收然開霽

發於內而應乎外起於微而至乎極休哉幽巖寶相標

德尅爲碑板永□不息其詞曰

□士修考聖作□立靈相考尋覺路標豐碑考色身求

了心證考登淨土

大唐大龕八載七月廿一日豎

右在第二載

徐州沛縣□□□夏□□□村衆 □□

在村有□□□堂子无人看□□村士商議請到一

尼省崇□□□修造如有愚徒□□□並是村衆

爲主一任□□修造諸舍及□功德□□

後建立大殿□座具施主姓名如後

趙□□李□□勤趙景趙簡□真

杜文金諫杜父成□

許欽劉氏韓氏□謹

淨明村邵綺榮王行若李氏

右在第四載

□像主妙智

□管事

尼妙□妙□妙善

妙德妙嚴

大宋國崇寧元年二月丁酉日記

右在第三載

碑側

三行
行書
□□□度左僕射韓冠軍大將軍行右清□

□府□開國公食邑五百戶上柱國夏侯□

貞元十五年孟春之月於此主務故記之耳

按碑書尅爲碑板尅卽刻通用字碑板之稱始見

于此

文宣王廟新門記

碑下載二字失連額高六尺一寸三分廣三尺二寸
行字數不計隸書額題文宣王廟門記六字篆書在
孔廟

文宣王廟新門記

朝散大夫檢校祠部員外郎兼侍御史裴孝智撰

前義王府倉曹參軍裴平下丹并

成域中之大歸天下之往曰王王者應靈以宰物酌肯
以觀化威聲雷霆號令風雨不嚴人理合自然之運不

行家至契如神之速德叶協於幽明道徜徉於古始無
爲無事其大矣哉泊乎澆淳既變仁義斯起偃息庠序

棲遲洙泗憲章萬物之首馳騁百王之末清類波於幽

厲扇儒術於殷周故春秋作而賊亂懼風興刪而兼恥

生美韶護而遠懲之音息行揖讓而莊敬之心勸夫子

聖者歟名與日月周流業與乾坤終始隱焉而光闇然

而彰命服袞裳累代稱王曲阜聖人之鄉也先是闕宮

霞敞正殿岑立繚以環堵邃其臺門巍若化造巖如口

動允所謂淹中之勝槩闕里之全模刺史孟公休鑒德

潤尊師道肥希聖研精百氏口口口言夜火非官曹之

燭春桑絕附杖之詠判官郡功曹盧曠以文發身以清

撿物博通口口口數四科惟此祠廟厥初層構朱戶半

傾雕甍中落難名之闔與造次可遊如在之口口口口

易觀將何以克恭過位加敬及庭於是孟公首之盧公
翊之因命縣大夫兼大口口口口口口口裴公新其南門書

時也公名有象育元舍眞廣學攻文始登甲科吏干舒

二人口口口口口口等吏于充二人悅服蓄可大之用爲

致遠之資由是庀廼程具乃役不斬仲口口口口口口

山之石償以日而給功不時而就大屋橫亘雙扉洞開

丹拱繡栢脰葛固口口口口口口口口口口景飛檐駢逼而棲

霧局竊旣固享獻聿修官吏唯肅清之謹邑人無褻瀆

口口口口口口口口席及階而升數仞之牆由戶而入君

子以非孟公之化不行非盧公之口口口口口口口口

不成三事叶同口口底于善孝智不敏儒家之流徒挹春

秋舍菜之禮口口口口口口口口口口口口誌不腆之文俾刊

求貞之石時大曆八年十二月一日也

碑側

厚四寸題名四
人三行隸書

朝議郎行令上柱國李子昂建

文林郎尉曹晉卿

文林郎守丞張隱琴 朝議郎行主簿姜崇晉

碑陰

題名二段一段在陰額三行正書
左讀一段在陰上截三行正書

究海沂密等州節度觀察使兼御史大夫鄭漢璋咸通九年八月廿九日題

右在額

曲阜縣尉敬叔度

貞元十五年孟春月廿三日題

鄆府東平縣尉郇來庭

右在上載

右碑文二十行行三十五字下截尚有二字為跌所

掩難於施拓碑文裴孝智撰孝智見唐書宰相世系

表官至都官郎中裴平書碑不曰書而曰下丹又題

碑之一例也平工篆隸是年七月先書黃石公祠記

文云判官郡功曹盧暄案郡功曹郡為州異名當稱

司功參軍事今碑稱功曹者兗州為大都督府故別

於他州稱功曹也判官則節度使有之蓋以都督府

置員歟闕官霞敞敝字錢辛楣少詹以為蔽之省集

韻蔽敝二字互相通碑陰有貞元十五年咸通九年

題名嚮皆遺之碑側題縣令尉丞簿姓名亦裴平所

書也

山左金石志

按此碑篆額六字分二行字縱二寸橫一寸額字

之小無逾於此題字處上銳當銳處懸一珠左右

二龍繞之漢碑畫龍形皆如馬四足奔馳此碑與後世之蟠龍無異碑之刻二龍捧珠者始見于此

其文自九行以後缺左下角斜向上今以他石補

之而無文故缺者自三字至九字也其前每行失

損二字則闕里文獻考載此文可以錄補裴平前

書黃石公祠記結銜云前試義王府倉曹參軍此

碑無試字而仍有前字則非見任官或省試字非

官序有加也碑書多別體如往作𠂔曲作𠂔𠂔作

𠂔𠂔作𠂔𠂔作𠂔皆不見於他碑至以詔護作詔

護想由筆誤闕官霞敞義不可曉曲阜志闕里文

獻考俱釋作霞敞於義為安然碑實是敞字或是

敞省或是敞誤皆不可知碑陰題名不詳其所為

何事鄭漢璋等事蹟亦無攷

十祿字書

碑下截斷缺凡兩面一高七尺八寸五分一高六尺

九寸七分俱廣四尺七寸五分書分五層三十三行

行九字正書額題顏氏子祿

字書六字篆書在潼川府

朝議大夫滌沂豪三州刺史上柱國贈祕書監顏元

孫撰
第十三姪男金紫光祿大夫行湖州刺史上柱國魯郡開國公眞卿書

史稿之興備存往制筆削所誤抑有前聞豈唯冢上加
三益亦馬中闕五追斯以降外謬寔繁積習生常爲弊
滋甚元孫 伯祖故祕書監貞觀中刊正經籍因錄

字體數紙以示警校楷書當代共傳號爲顏氏字樣懷
鉛是賴汗簡攸資時訛頓遷歲久還變後有羣書新定
字樣是學士杜延業續修雖稍增加然無條貫或應出
而靡載或詭衆而難依且字書源流起於上古自改篆
行隸漸失本真若摠據說文便下筆多礙當去泰去甚
使輕重合宜不揆庸虛久思編緝頃因閑暇方契宿心
遂參校是非較量同異其有義理全僻因弗畧該點畫
小虧亦無所隱勒成一卷名曰千祿字書以平上去入
四聲爲次□□□□具言俗通正三體□□□□三體
偏旁同者不復廣出謂恩口氏曰字有相亂因而附
焉謂形充究禱所謂俗者例皆淺近唯籍帳文案券
契藥方非涉雅言用亦無爽儻能改革善不可加所謂
通者相承久遠可以施表奏牋啟尺牘判狀固免詆訶
若須作文言及選曹銓試兼擇正體用之尤佳所謂正者竝有憑據可以施著
述文章對策碑碣將爲允當進士考試理宜必遵正體
碑書多作八分明經對口贊台經注本文有此區別其故何哉夫筮仕觀光惟人
住口論舊則所急備名責實有國恒規既考文辭兼詳翰墨昇沉是

繁安可忽諸用捨之間尤須折衷目以千祿義在茲乎
綆短汲深誠未達於涯涘岐多路惑庶有歸於適從如
日不然諸侯來哲

文刻全書後不錄

有唐大曆九年□□□寅正月庚子□□□□午真

卿於湖□□□東廳院書之

柳公權對穆宗□□□曰心正則筆正□□雖公

權時以筆□□□書法理固如是□□魯公筆蹟

乃知公□□言不妄魯公忠正□□功名事業列于

國□□全德偉行莫風義□□映千古文學之外□

□隸書大小二體筆□□勁如服介冑如冠□□凜

凜乎若誚盧杞□□希烈有不可犯之勢□其心畫

所寓誠可畏而仰之往由左宜臨牧吳與暇隙書千

祿字樣鐫刻于石傳示後生然石刻在刺史宅東廳

院傳之惟艱故世罕得善本而蜀士大夫所見惟板

刻尤鮮得其真 府尹 龍閣 宇文公比刺

湖州得魯公所書 與楊漢公所摹二本特爲精詳於

是俾以楊蜀二本參校若顏書之利缺者以二本補

焉不可推究者闕之令通顏書之士摹勒刻石於類
使學者矜式且欲所傳之廣壬戌八月既望成都句

錄記

右千祿字樣別有模本文注完全可備檢用此本刻石殘缺處多直以魯公所書真本而錄之爾魯公書刻石者多而絕少小字惟此注最小而筆力精勁可法尤宜愛惜而世俗多傳模本此以殘缺不傳獨余家藏之 右千祿字樣模本頗真卿書楊漢公模真卿所書乃大歷九年刻石至開成中遽已訛缺漢公以謂一二工人用爲衣食之業故摹多而速損者非也蓋公筆法爲世楷模而字畫辨正謬繆尤爲學者所資故當時盛傳於世所以模多爾豈止工人爲衣食業邪今世人所傳乃漢公模本而大歷真本以不完遂不復傳若顏公真蹟今世在者得其零落之餘藏之足以爲寶豈問其完不完也故余并錄二本並藏之亦欲俾覽者知模本之多失真也

集古錄

歐陽文忠言漢公模本多失真則不然今觀此書精

隱勁媚殊得顏真揚自以爲不差纖豪信矣然文忠

又云千祿之注持重舒和而不局促余輒易之曰持

重而不局促舒和而含勁氣迺盡魯公筆意也

東觀餘論

右顏魯公千祿字書辨別字之正俗及通用亦間有

析其義者云千祿者蓋唐以書取士也而公真書小

字之傳於後者亦獨見此耳

東里集

此顏魯公千祿字書也按成都句詠跋公嘗刺湖州

此刻初在其宅東廳後翻刻蜀中予所得乃全帖然

缺平聲字雖上聲亦不完豈是二石或一石而兩面

書之予所得者乃其半邪或所謂刻缺而不可推究

者邪然不應缺之之多也書盛於晉顧多破壞其體

魯公此本特正其繆誤以惠學者則其書名豈特妙

於筆墨而已詠所書與公書頗類豈嘗師公而得其

髣髴者邪

匏翁家藏集

余讀顏魯公家廟碑知公世有書學及覽顏秘監千

祿字書益信益秘監於公爲伯父其所辨證偏傍結

構雅俗燦然而公於此書尤加意幾無一筆縱緩余

故識而藏之以爲臨池指南書曰千祿蓋唐以書判

取士故耳

兗州山人四部稿

序稱第十三姪男真卿書按顏氏家訓曰兄弟之子

北土多呼爲姪案爾雅喪服經左傳姪名雖通男女

竝是對姑之稱晉世以來始呼叔姪

晉書王湛傳清才氣抗邁於湛

姪之教書姪而又加男此唐人之俗稱也

柳宗元祭六伯母文

戴侗六書故曰爾雅女子謂舅第之子曰

姪喪服傳曰姪丈夫婦人報又曰謂吾姑者吾謂之

姪賈公彥疏曰姪者對姑之稱若對世叔唯得言昆弟之子不得言姪也春秋傳曰姪

其從姑潘岳楊仲武誄姑姪繼嬭又曰齊靈公娶于正用此所謂通男女之稱

魯曰顏懿姬無子其姪讓聲姬生光又曰臧宣叔娶

于鑄生賈及爲而死繼室以其姪生紇今人謂兄弟

之丈夫子亦曰姪非也古者兄弟之子皆曰子漢書

疏廣與其兄子受父子竝爲師傅後漢書蔡邕與其

叔父質得罪上書自陳亦曰言事者欲陷臣父子晉

書謝安傳安與兄子元父子皆著大勲世說江左殷

太常父子亦謂殷融與其兄子浩史記武安侯傳

往來侍酒魏其跪起如子姪疑當時未有稱姪者漢

書作子姪禮記喪大記注子姪謂衆子孫也列子秦穆公謂伯樂曰子姪有可使求馬者乎史記外戚世家既驪合

矣或不能成子姪朱子語類姪字本非兄弟之

子所當稱當稱從子爲是自曾祖而下三代稱從子

高祖四世而上稱族子金石文

顏魯公于祿字書在開成間石本已有利缺至歐陽

公爲集古錄稱楊漢公樵木並多患漫此蜀本勒石

於紹興壬戌其去歐公時又百有餘年矣卷中自陽

庚二韻而後類多凌亂失次又嘗見寶祐間柳陽本

近日吳門錢板以行與蜀本小有同異而唐韻之淆

素畧無是正豈開成楊刻卽已譌誤耶抑誤自紹興

耶又何以蜀楚兩本並誤耶至蜀刻凡脫成几蚌丰

從丰及注中並上小誤或由傳摹失真觀此則其於

用筆結體更無足言矣吾友金慕齋閣學籤識前後

位置不爽此石至今尙存雍正癸丑同年顧觀察稼

軒宦蜀歸曾以見貽較此稍遜蓋此本當是百年前

舊揚慕齋宜善藏之恐後此并不多觀也汪由敦松泉文集

干祿字書一卷唐顏元孫撰元孫泉卿之父眞卿之

諸父也官至滁州刺史贈秘書監大歷九年

眞卿官湖州時嘗書是編勒石開成四年楊漢公復

摹刻於蜀中今湖本已泐闕蜀本僅存宋寶祐丁巳

衡陽陳蘭孫始以湖本鋟木國朝揚州馬日璐得

宋槧翻刻之卽此本也然證以蜀本率多謬誤如卷

首序文本元孫作所謂伯祖故秘書監乃師古也蘭

孫以元孫亦贈秘書監遂誤以爲眞卿稱元孫而以

序中元孫二字改爲眞卿以就之曰璐亦承其譌殊

爲失考其他闕誤亦處處有之今以蜀本互校補闕

文八十五字改譌體十六字刪衍文二字始稍復顏

氏之舊是書爲章表書判官作故曰干祿其例以四

聲款字又以二百六部排比字之後先每字分俗通

正三體頗爲詳核其中如虫蟲昏圖商商凍凍截然

兩字而云上俗下正又如兒古貌字而云貌正兒通
非之作非芻之作莖莖直是俗字而以爲通用雖不
免千慮之失然其書酌古準今實可行用非詭稱復

古以奇怪鈞名者

四庫全書
總目提要

按蒙州据唐書地理志濠州鍾離郡濠字初作豪元
和三年改从濠韓退之有徐泗濠三州節度掌書記
廳石記洪慶善攷退之作記在貞元十五年因據唐
志以證俗本作濠之誤而吳曾能改齋漫錄駁之且
引杜佑通典稱濠州北齊爲西楚州隋改曰濠州因
濠水爲名而唐因之佑上通典在貞元十年其書初
不見豪字以此知韓文作濠者爲是今攷此碑元孫
結銜稱滁沂蒙三州刺史豪不從水旁石刻分明可
以徵信又廣韻豪字下注州名古鍾離國隋改爲州
廣韻本於孫愐愐撰唐韻在天寶十載足徵其時州
名不從水也李吉甫元和郡縣志亦云武德五年杜
伏威附改濠州濠字中間誤去水元和三年又加水
焉正與唐志相合杜氏通典偶漏不載而吳乃據以
議歐志之失豈其然乎

讀研堂金
石文跋尾

魯公書石遍天下其存蜀者僅武連道遙樓二字至
南部縣離堆摩崖記已泯劍州中興碑則紹興初攝

州事吳玠摹刻而費少南跋之四川新舊志不復舉
其名矣千祿碑見潼川州志謂公自書在州學子惟
歐陽公以謂千祿書真本開成中石已訛缺世所傳
者乃楊漢公摹本潼安得有此亟訪之尊經閣下碑

石厚尺餘穴兩旁如貫緯之制其正面則表裏刻之
碑下斷一尺餘宋人跋已不完跋首言千祿碑在湖

州刺史宅東廳蜀士大夫所見惟板刻鮮得其真府

尹龍閣宇文公比刺湖州得公所書

以下

州職官志

宇文氏三人昌齡雙流進士時中成都進士峒成都

人修治學校四川科第志無時中名惟費著氏族譜

言宇文氏凡六院其自廣都院者闕中粹中虛中迭

登第時中賜進士第後以直龍圖閣知潼川卽是跋

所云府尹龍閣者矣虛中以建炎初使金被留遇害

與時中爲兄弟行碑之立當在建炎紹興之際容訪

足本再考之

吳省欽白
華前稿

金石文字記收得此本証其序稱第十三姪男真卿

書推明姪男爲當時俗稱語不爲無據然魯公臨書

亦少有訛舛證之說文繫傳云此書釐字改末爲牙

冕字轉門爲向鄰正體也而謂之訛隣俗謬也反謂

之正益爲病矣益徐氏所訂已如此惜余未覩全本

爲一詳攷也又徐氏謂顏元孫作于祿字書其從孫
眞卿書之子石案序旣云第十三姪男家廟碑又云
生我伯父諱元孫則從孫殆從子之訛傳鈔者不及
審也爲附正于此

授堂金
石跋

按顏元孫于祿字書一卷見唐志此碑題額標首
皆作字書集古錄因楊漢公跋題曰字樣非也元
孫杲卿之父兩唐書並附見杲卿傳碑首題朝議
大夫餘沂豪三州刺史上柱國贈秘書監顏元孫
撰據傳但云歷官長安尉太子舍人亳州刺史卒
此云餘沂豪三州刺史與顏氏家廟碑所述正同
則劉歐兩史略也次題第十三姪男金紫光祿大
夫行湖州刺史上柱國魯郡開國公眞卿書攷家
廟碑叙顏氏世系自後齊黃門侍郎之推生思魯
愍楚游秦三子思魯生勤禮其兄弟行又有師古
相時育德三人勤禮生昭甫敬仲殆庶無卹少連
務滋辟彊七子昭甫生元孫惟貞二子元孫生春
卿杲卿曜卿旭卿茂曾五子惟貞生闕疑允南高
卿眞長幼與眞卿允臧七子是元孫爲眞卿之伯
以杲卿兄弟雁行數之眞卿應居十一而云第十
三姪者或統男女計之或尙有諸兄早殤廟碑所

不及也此碑叙云元孫伯祖故秘書監者卽顏師
古師古爲勤禮之兄故稱伯祖耳云貞觀中刊正
經籍因錄字體數紙以示讎校楷書當代共傳號
爲顏氏字樣又云後有羣書新定字樣是學士杜
延業續修二書皆不見於著錄蓋是書旣出之後
較師古延業所著特爲詳善而二書遂以不傳也
顏於宋齊隋唐間皆爲著族以簪紱世家至開天
時更以忠節顯名天下然顏氏自之推以後類能
研覃經史著書立說而於六書聲韻之學尤有專
長其所撰述此書之外載隋唐兩志經解小學類
者則有之推急救章注一卷訓俗文字略一卷筆
墨法一卷愍楚證俗音略一卷師古匡謬正俗八
卷急救章注一卷眞卿韻海鏡源三百六十卷餘
如之推家訓書證篇游秦漢書決疑師古漢書注
諸書皆於小學家言再三致意是則一門著作多
有淵源其討論之功非止旦夕元孫字書繁簡得
中辨證確鑿爲歷代楷模者宜也唐制取士之法
兼及書判有小學科此書剖析正俗便於蒙誦故
以于祿命名書分平上去入四聲所列字以韻之
先後爲次統分通正俗三等其例凡六有舉二字

而注上俗下正者功之類是也注上通下正者蒙蒙之類是也亦有二字並正者躬躬之類是也有兼舉二字而分疏其義者童僮之注上童幼下僮僕之類是也有舉三字而注上中通下下正者聰聰之類是也注上俗中通下正者茲茲之類是也雖通卷未必折衷至當盡合六書之義然唐承六朝之後書體譌謬百出得是書綜其大概以津逮學者實足以輔翼經史且其時三蒼字林凡將勸學飛龍諸書尚存采擇既博說或不同未可概以許氏說文律之也原碑爲魯公刺湖州時所書刻於大歷九年開成中楊漢公嘗有摹本集古錄兼收兩碑已云原碑殘缺過多則自宋而後寔已不顯今楊漢公本亦不可見而湖州府志猶存其跋云太師魯公忠孝全德儀型古今存道沒身煥乎國史文學之外尤工隸書盡鍾繇之精能極逸少之楷則頃因左宦曾牧茲郡才大事簡居多餘閒錄千祿字樣鐫於貞石仍許傳本示諸後生一二工人用爲衣食業晝夜不息刊缺遂多親姪禹頊牧天台懼將磨滅欲以文字移於他石資用且乏不能克終漢公謬憇棠陰獲覩墨妙得以餘

俸成禹之意自看摹勒不差纖毫庶筆蹤傳於求時開成四年六月廿九日凡一百六十字玩謬憇棠陰獲覩墨妙諸語是漢公所摹之本仍在湖州而此碑後刻紹興壬戌成都句詠跋稱府尹宇文公比刺湖州得魯公所書云云則宇文所摹自在蜀中故至今潼川學宮猶存其石與地碑目稱千祿字書湖州有二一在墨妙亭一在魯公祠者謂原碑及漢公本也元談鑰吳興志稱于祿字書今在墨妙亭者其時原碑已亡僅據漢公摹本而言也鄭元慶湖錄論此碑乃謂輿地碑目所云卽楊漢公宇文時中所摹之二碑談志在紹興之後何以止載其一則元慶誤以宇文摹本爲在湖州而反疑談鑰之陋其謬甚矣宋金兩史皆有宇文虛中傳而無時中傳四川通志但於職官志載時中名注云成都人據元費者氏族譜則時中與虛中爲兄弟行以直龍圖閣知潼川與碑悉合而不言其嘗刺湖州且時中身爲刺史畱心古蹟如此當時善政必有可紀者而湖州府志名宦傳不載并郡守表亦無其名何歟碑字方整有法度尙存魯公遺意句詠跋所云令通顏書之士摹勒刻石

者信非虛語而匏翁集直謂詠所書與公頗類則誤也詠跋又謂蜀士大夫所見惟板本是南宋初已有登諸梨棗者其後寶祐丁巳陳蘭孫亦嘗以是書雕板尙存於世近揚州馬曰璐所刊千祿字書卽用宋本然其中謬誤不一而足誠如四庫提要所云者今石刻雖已斷缺而可見之處猶有十之七八以校陳氏之本迥有徑庭相嘗手錄其文詳加校定偏旁點畫一依原碑行付剞劂冀復顏氏之舊焉

又按宋婁機有廣千祿字書五卷見中興藝文志爲廣顏書而作書錄解題稱機熟於小學嘉泰中教授資善堂景獻時爲惠國公數問字畫之異因爲此書續唐之舊故仍千祿之名旣而悟其非所以施於朱邸乃傳會以千祿百福之義則婁氏標題之意雖欲自別於元孫而其書大旨不必有異可知所謂五卷者或分上下平上去入聲爲五部耳惜其書不傳不得一校此本也

盧朝徹謁嶽廟文

碑高四尺二寸廣三尺四寸五分文九行字數二十八字至三十不等正書在華嶽廟

謁嶽廟文

唐大歷九年甲寅季春□□生明華陰令盧朝徹下車散齋浹日情意撰擇元辰吉蠲饋饗靡愛斯□□脩祀事端飭祠宇搢紳莫饋敢告

金天王粵山鬱配天聰□□直豈實禍淫寧其祚德朝徹不佞獲領茲縣職監酉埽躬備陳薦顧嗟非□任受愚蒙清是家風所遺方乃天誘其衷與衆

難合於時不容向老□□如何遭逢抱拙恬澹委運窮通儻力於政王降百祿稍私其身王肆□□福謙

害盈則仰嶽靈不識不知何敬神爲拜手稽首乞氣

莫敢怠□□啐酒兮儼然有待松柏颺颺兮□宰若來容衛森森兮髣髴如在

文正書微損十餘字此爲唐時守令蒞任誓廟之詞元張養浩著三事忠告言故事牧民官旣上必告境內所當祀之神宜以不賄自誓庶堅其遷善之心卽此義也

按堂金石跋

按盧朝徹兩唐書無傳文皆用韻詞意簡質有云清是家風所遺方乃天誘其衷與衆難合於時不容可見其世守清正而有不諧于俗之槩也陝西通志令長卷亦不爲立傳

朝陽巖銘

石高三尺九寸廣二尺五寸六分十一
行行二十二字隸書在零陵縣巖內

唐元次山朝陽巖口

永泰丙午中自口口至零陵 其輓中有水石之異泊
舟尋之得崑與洞口戲巖洞此堯之形勝也自古蒙之
亦無名稱以其東向遂以命之焉以攝刺史獨孤恠爲
吾窮闢榛莽復攝刺史實必爲創剌茆閣于是朝陽水
石始爲勝絕之名也而刻銘巖下以眎來世銘曰

於戲朝陽怪異難狀蒼二半山如在水上朝陽水石可
謂幽奇峇下洞口洞中泉垂彼高岳絕厓深洞寒縱僻
口幽遠猶宜往焉况郡城井邑巖洞相對无人修賞竟
使森穢刻銘巖下問我何爲欲零陵水石世人有知

峇甲寅中龜零邑後學田山玉書石

按唐書地理志永州零陵郡屬淮南西道有零陵
縣又有祁陽縣縣有浯溪此銘序云永泰丙午中
自口口至零陵泐二字或是祁陽或卽浯溪也唐
書元結傳代宗立丐侍親歸樊上顏真卿撰墓碑
亦云今上登極拜著作郎遂家於武昌之樊口則
或自樊口至零陵亦未可知代宗初立改元廣德
凡二年改元永泰至二年十一月改元大歷此云
永泰丙年中當在十一月以前尚是永泰也甲寅

爲大歷九年蓋次山題銘後九年矣下題零邑後
學田山玉書石後學之稱始見于此

金石萃編卷一百

賜進士出身 誥授光祿大夫刑部右侍郎加七級王昶謨

唐六十

王忠嗣碑

碑高一丈三尺三寸廣五尺九寸四十
二行行九十字行書在渭南縣鄉賢祠

唐故朔方河東河西隴右節度御史大夫贈兵部尚書

太子太師清源公王府君神道碑銘 并序

銀青光祿大夫守中書侍郎同中書門下平章事集

賢殿崇文館大學士修國史潁川郡開國公元載撰

金紫光祿大夫門下侍郎同中書門下平章事 太

清太微宮使驛文崇靈館大學士上柱國齊國公王

縉書

太中大夫行少府少監集賢殿學士趙慈篆額

睿宗再受命宅帝位三十有五載兵加幽都討平匈奴

大將軍載戈稅弓來朝獻功 天子勞旋告成廻

慮西戎迺制詔丞相御史咨尔朔方河東節度支度探

訪使安北單于大都護御史大夫清源公王忠嗣統我

六師万口皆全磔裂單于封狼居山歸馬漠南列郡祁

連撫茲北荒厥功茂焉犬戎腥耻作虐西裔攘據石堡

漠獵青海皇天震怒以時致罪公拜稽首敢留

主誅猖狂先零國怨家讎建牙榆溪樹羽河源東綴飛

狐西颺陽關本天下勁兵制綠邊万里徂長轂動雷駟

旌旄纓播于雲蔽地欽流沙而瞰烏弋岷崑崙而騰濞

汜方且繕完補缺勸穡戒車圖全遠近功盡敵非一戰

陳章立論別白甚明以孤特之姿失貴臣之意安祿山

保奸伺變忌公宿名李林甫居逼示專嫌公不附寢營

平之奏沮樂毅之謀內隲外讒陰中交訕卒從吏議竟

羅大獄雖釗溫肆爪牙之毒而哥舒有折檻之爭辯牙

門之至寃逢匡石之排妬黜守汧上没于漢東洄我橫

海鱗年終四十五羯胡得口并雲朔往禍幽燕縱鳴騎

於兩都投大艱於區宇悲夫父 龍顏之英主感

風雲之早契散禍於微圖堅在脆軋坤改施忠邪易地

謫放隳落離披困畏人之云亡邦國亦瘁狩 皇

真於巴蜀初 宮廟於蛇虺口倒持而授柄豈天

意與人事 今上撫軍用公舊校士留殘憤

將有餘雄謂諸葛之猶生走仲達而知懼及肅清東土

正位 北宸傷問鼓鞀載感風烈追贈兵部尚書

太子太師邊吏增氣三軍激節蓋念功悼枉國之任也

義明運誦神所勞也公本太原初人六代祖仕後魏爲

青州刺史北齊爲白道鎮將五代祖隨周武帝入關署

馮翊掾因徙家于鄭今爲華陰人也皇考諱海賓九原太守安撫朔方諸蕃部落兼豐安軍使開元二年七月以騎士屯蕭關盛秋臨坳收禿髮舉卅万衆東踰狄道郭知運節制隴右委稼徵寇嬰城不動遂得踐圍西使駟掠馬牛燿火照平涼羽書驚朔塞公召將投計事皆曰衆寡不敵利病相懸濟河外之兵徵涼州之援公以爲羌虜入盜吞噬腹心掃口口而西歸不崇朝而事去方爲四夷恥終遣大漢羞職守封疆身爲障礙辭難就易進熱偷安而無後咎餘責者徵諸公誰不樂此乃拔勇簡材輕責益馬有氣敢往不滿千人雷動颺移自辰徂亥垂六百里突掩賊營縱吾奇兵乘彼不意披猖受戮橫潰宵馳終夜追奔連明會食勦歸師於濠口殲困獸於達毗棹輜之所殘戈矛之所斃積屍將崆峒倖厚漂血與池河爭流氣盛忘銜振之虞戰酣無存變之意蒼黃顛仆落於戎手亦足以暴威武於天下儼洪稜於蠻貊五十年間犬羊遷迹不敢覬邊以取當咸皆失地而遠客歎嘆古烈名垂壯籀初

肅宗省書

癸朝問故流悼偉其心而大其節哀其歿而念其忠褒贈開府儀同三司安北大都護俾給事中倪若水乘駟吊祭命許國公蘇頌爲之文以致意焉輕車介士塵兒

屬將飾柩護喪封墳寵葬公之適閔年初九歲詔復朝輶大夫尙輦奉御持令中貴扶入內殿意苦而羸形絕地辭哀而迸血沾衣左右動容

上亦

歔歔因撫而謂曰此去病之孤吾當壯而將之万戶侯不足得也衣之以朱紱錫名曰忠嗣部曲主家後宮收視每隨諸王問安否獨與

肅宗同卧起

至尊以子育儲后以兄事公亦唯專唯直不傾不

墮未嘗注目孰云有過每歲

天子口戎整旅冬

狩秋田翼轡奉車越莽凌阡搭麟長楊掩蒐黃山蹙履輕狡流離往還斫纍益奮搏捷無前出而有獲多不自賢

上旣知公有日磧之純固加李廣之材

氣義形於主確然秉志少而侍中慮不省事乃試守代州別駕大同軍戎副于法大豪門門自鍛賣功老將俯伏聽令涼秋八月乘乾草腓方倂白登外馳突長城下單戈指虜輕騎犯胡有向必摧能當輒破往往射鵠者居公掌握中匈奴憚邊不敢拒口

肅宗口

上泣曰王忠嗣口材敢戰必恐亡之卽日

徵還守未央衛尉入侍之歲時方就冠

元獻皇

太后降家人之慈盛擇配之禮命之主饋恩情甚厚公以讐恥未雪激憤逾深每對案忘餐或獨居掩涕